



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁRIU**

**Komunikadu Imprensa**  
**Munisípiu Aileu**  
**29 Janeiru 2018**

**JSMP realiza Treinamentu kona-ba Direitu Labarik no Sistema Justisa**  
**Formál ba komunidadada sira iha Suku Aissirimou Munisípiu Aileu**

Iha 26 Janeiru 2018, Programa Monitorizasaun ba Sitema Justisa (JSMP) liu husi Unidade Treinamentu no Advokasia realiza treinamentu ba komunidadade sira iha Suku Aissirimou, Sub Distritu Aileu Vila, Munisípiu Aileu.

Partisipante sira ne'ebé tuir treinamentu hamutuk ema nain 20, feto 14 no mane 6, inklui estrutura suku no komunidadade hosi Suku Aissirimou.

Materia ne'ebé fahe/apresenta iha treinamentu ne'e mak hanesan definisaun direitu umanu, direitu labarik, dever inan-aman no Estadu atu proteze labarik sira, protesaun labarik tuir lei internasional no lei nasional, violénsia hasoru labarik no artigu relevante sira iha kódigu penál ne'ebe proteze labarik. Aleinde ne'e diskuti mós kestaun sira kona-ba idade ba responsabilidade kriminál no krime no sentensa delikuyente juvenil.

“JSMP iha esperansa katak realizasaun treinamentu iha Suku Aissirimou ne'e, bele haklean tan komunidadade sira nia kuiñesementu ba labarik sira nia direitu no oinsa fo protesaun ne'ebé adekuaudu nune'e labarik sira bele dezenvolve aan iha futuru”, dehan Diretór Ezekutivu JSMP, Luis de Oliveira Sampaio.

Iha abertura Xefe Suku Aissirimou Sr. Ilidio Mau Felo haktuir katak treinamentu ida-ne'e importante tebes ba komunidadade Suku Aissirimou tanba durante ne'e, treinamentu sira hanesan ne'e to'o deit iha nivel Munisípiu sira no la to'o ba iha suku nune'e komunidadade barak mak laiha kuiñesimentu ba direitu labarik nian no la fó atensaun másimu ba sira nia oan sira nia futuru. Sr. Felo mos husu ba nia komunidadade sira ne'ebé hetan oportunidade partisipa iha treinamentu ne'e atu fó atensaun másimu no husu pergunta se iha dúvida ruma nune'e sira bele komprende diak no bele hatutan ba sira nia maluk sira ne'ebé la hetan oportunidade hanesan.

Aleinde ne'e, nia agradese tebes ba ekipa hosi JSMP tanbá bele fahe informasaun hirak ne'e ba komunidadade sira iha suku no nia iha esperansa katak depoisde treinamentu ne'e, komunidadade sira hatene sira nia oan sira nia direitu, proteze sira nia oan sira nia direitu no hatene ona oinsa lori sira nia oan sira nia kazu ba prosesu tuir sistema justisa formal wainhira iha kazu ruma kontra labarik sira.

Durante treinamentu ne'e, aleinde rona apresentasaun matéria hosi fasilidadór JSMP, partisipantes sira mós apresenta kestaun sira kona-bá direitu labarik sira nian, dever inan-aman, governo no lideransa komunitaáiusira, problema alimentasaun ba oan sira no krime violénsia domestika.

JSMP observa katak iha treinamentu ne'e partisipante hotu iha interese boot atu aprende no rona ho diak bainhira fasilidador sira apresenta matéria. Ne'e hatudu katak sira konsidera informasaun sira ne'e importante ba sira.

Treinamentu ne'e raliza tanbá hetan apoia fundus husi Hivos liuhosi Embaixada Noruega iha Jakarta.

Atu hetan informasaun kompleitu bele kontaktu ba:

Luis de Oliveira Sampaio  
Diretór Ezekutivu JSMP  
Diresaun e-mail: [luis@jsmp.tl](mailto:luis@jsmp.tl)